

## **Ponuda br. 1: Kraljeva Sutjeska, Bobovac, Mijakovići, Vareš.**

Prijedlog menija za ručak po osobi:

- Bosanska supa-srednjovjekovna-trahana
- Bosanski lonac
- Tri vrste pita
- Domaći kruh – pogača
- Bosanski kolači
- Kafa
- Sok domaći
- Degustacija: sirevi domaći, mladi sir, suhi sir, kajmak, džem.

Ručak će biti serviran na otvorenom.

Dnevni program za ovu grupu bi išao ovako:

- Turistički vodiči vas dočekaju u Ilijašu kod mosta na autoputu oko 9:00 h. U Kraljevoj Sutjesci smo oko 09:30 h. Obilazak džamije, samostana, Gregureva.
- Pošto kustos muzeja već u svom govoru ima Gregurevo ne koncentriramo se puno na njega, ko je zainteresiran može ga otići uz pratnju turističkog vodiča posjetiti (nije obavezno). Vrijeme predviđeno za zadržavanje u Kraljevoj Sutjesci je do podne.
- Od 12:00 do 13:00 h je predviđeno za vožnju autobusom do Bobovca.
- Ukoliko bude zainteresiranih za zahtjevnu turu pješaćenja kroz kanjon, jedan turistički vodič može ići sa njima.
- Na Bobovcu predavanje o starom gradu. Vrijeme predviđeno za zadržavanje na Bobovcu je pola sata.
- Pola sata nam treba i za dolazak i smještaj za ručak. Ručak je predviđen u 14:00 i traje do 15:30 h. Nakon ručka putujemo za Vareš. U Varešu smo oko 16:30.
- Za Vareš je predviđena šetnja gradom, upoznavanje sa poviješću, kupovina suvenira, uračunata pauza za topli napitak ili sok u jednom od obližnjih ugostiteljskih objekata. povratak za Sarajevo oko 18:30 h.
- Konačna cijena za ovaj, kao i za naredne izlete, za grupe preko 25 osoba iznosi 25 KM.

Konačni proračun za 25 osoba je:  $25 \times 25 = 625$  KM, uračunato sve navedeno. Sve cijene su bez PDV-a.

Napomena: u ovu ponudu je nemoguće ukomponirati i Očeviju jer je radno vrijeme majdana u zimskom periodu od 8:00 do 15:30 h. Sljedeća ponuda će imati u sadržaju Očeviju.

## **Ponuda br. 2: Vareš-Tunel Stijene-Očevija**

Prijedlog Menija za navedenu turu je:

- Bosanska supa
- Sarma
- Domaći kruh
- Salata sezonska
- Kolači domaći
- Kafa
- Domaći sokovi

Dnevni program:

- Doček u Varešu oko 09:30, nastavak vožnje do Očevije, kod tunela Stijene pravimo usputnu stanicu, predočavanje svih znamenitosti i zanimljivosti navedenog lokaliteta, povijesne činjenice, arheološke nalaze, i važnost. Planirano zadržavanje na ovom lokalitetu je pola sata.
- 10:30 - 11:30 h: vožnja do Očevije uz priču i iznošenje podataka o životu i radu ovoga kraja, kao i legende o Zvezdangradu u čijem podnožju ćemo prolaziti.
- 11:30 - 12:30 h: obilazak jednog od Očevskih majdana, uz priču i animaciju.
- 12:30 - 13:00 h: obilazak izvora tople i hladne vode.
- 13:00 - 14:00 h: vožnja do mjesta predviđenog za ručak.
- 14:00 - 15:30 ručak.
- 16:00 h: povratak u Vareš. U Varešu obilazak stare crkve uz ulaz, nove crkve, obilazak starog sela Matijevići, starog mosta, uže gradske jezgre, Vareškog jezera na koti, vareške džamije (izvana - nije predviđen ulazak jer nije nacionalni spomenik i novije je gradnje).
- Konzumacija toplog napitka u lijepom ambijentu.
- Posjet turist info centru, udruženju izvorno Vareško, kupovina suvenira.

Planirano vrijeme za navedene aktivnosti je tri sata.

Povratak za Sarajevo 19:00 h

### **Ponuda br. 3: Vareš, tunel Stijene, Ivančevo, Vijaka, Zarudje**

Prijedlog menija za navedenu turu je:

- Pečena pastrmka, prilog krompir
- Salata sezonska
- Kolač
- Kafa

Dnevni program:

- Doček u Varešu 09.30, nastavak vožnje do Vijake.
- Usputna stanica je tunel Stijene, polusatno zadržavanje.
- Dolazak u Vijaku oko 10.30 obilazak zavičajnog muzeja, najstarije škole u BiH- (koja je renovirana, stara datira iz 1858) vijačke crkve izgrađene u potpunosti od zelenog kamena koji se i vadi jedino u ovome mjestu.
- 12:00 h: Vožnja do Ivančeva, sela u kojem je rođen poznati bosanski kinematograf Ivica Matić. Izuzetno zanimljivo mjesto, iznošenje činjenica i zanimljivosti. Konzumacija toplog napitka u staroj bosanskoj kući.
- 14:00 h: Ručak u autentičnom restoranu koji se nalazi u blizini sela Zarudje, restoran je postigao dobar renome, pa do njega gosti znaju potegnuti i iz Sarajeva.

Ponuđeni meni je najviše što se moglo dobiti da bi se uklopilo u predviđenu cijenu, u ovom restoranu svaka extra narudžba se plaća.

Napomena: prilikom svake ture posjećivat ćemo po jedno ponuđeno mjesto za ručak, pa ćemo davati ocjene za svako posebno. S vremenom će se iskristalizirati najbolja ponuda.

- 15:30 h: Povratak za Vareš, obilazak starog sela Matijevići, užeg gradskog središta, pričanje o Varešu kroz povijest, legende, zanimljivosti, jezero Kota, vareške džamije.
- Povratak za Sarajevo oko 18:30 h

Ovim ponudama nam nastojao obraditi više lokaliteta, mjesta, zanimljivosti, pokušao sam ukomponirati prikladnu cijenu ručka sa ostalim sadržajima, nastojao napraviti zanimljive i atraktivne ture te postići to da nakon završenog izleta gosti odu sa osmijehom na usnama, da se opet vrate.

Cilj je bio postići i izmorenost učesnika te to da imaju osjećaj da su puno dobili za uloženi novac, da nešto i nauče te da upoznaju zemlju u kojoj žive.

### Napomena

Ove ponude se odnose i na osnovne i srednje škole s tim da se njima može izostaviti ručak što znači nižu cijenu za 10 KM + osnovne škole dobivaju gratis od nas paket srednjovjekovnih igara, u kojemu se nalaze srednjovjekovni lukovi, strijele, konop za potezanje, igre poput bacanja kamena s ramena, etc. Predavanje je interaktivno, poučno i zanimljivo.

Ukoliko se ne nalazite u cijeni od 15km bez ručka za navedene tipove ponuda, mi prihvaćamo i vaše prijedloge, te vam stavljamo na raspolaganje naše turističke vodiče/animatore čija je dnevnicica 50km i dajemo vam mogućnost da sami izrežirate svoj tip izleta. U ovom slučaju uz naplatu ulaza na Bobovac, crkve, džamije i majdane u Očeviji po 1 KM, naplaćujemo paket srednjovjekovnih igara ukoliko želite. Njegova cijena je 30 KM i sadrži veliki konop za potezanje, lukove i strijele, organiziramo bacanje kamena s ramena, učenje gađanja lukom i strijelom etc.

Ovaj početak je jako bitan, prvenstveno poradi animacije šireg kruga ljudi, cilj je da svatko u tome vidi sebe, i onaj što će prodat ručak, prenoćište, naplatiti ulaz, a i u onome koji će prodat svoj suvenir, sok, sir, med etc.

Vama želimo sve najbolje i nadamo se dugoj i uspješnoj suradnji.

Turist info centar Vareš  
[t.i.c.vares@gmail.com](mailto:t.i.c.vares@gmail.com)  
tel. 032/843-840  
mob. 061/364-17  
[www.tic-vares.info](http://www.tic-vares.info)